

Transkription von Urkunde HGW 1368a

Ort, Datierung: Greifswald, 1368-02-14

Signatur: Stadtarchiv Hansestadt Greifswald, k.A.

Inhalt: Gebrüder Tzepeline und Clawes Kerckdorp: Versöhnung mit dem Rat der Stadt Greifswald

Witlick si allen de dessen bref seen edder horen lesen . dat wy bolto volrad / vnde clawes . brodere . ghe
nomet tzepeline . vnde clawes kerckdorp . kna=/pen . vnde vnser en istlick hebben ghe redet vnde ghe
louet mit ener zamen=/den hant . vnde en truwen vnde louen vnde reden also an desser
ieghenwar=/deghe scrift . den erliken vnde den be schedenen mannen den ratmannen / der stat tho
gripeswolde . dat alle twedracht . kif . vmmūt vnde alle sake de / dar is vnde wesen heft tuschen den
suluen ratmannen . vnde eren borgeheren . / van der enen side(n) . vnde my bolte tzepeline
vorghenomet . van der anderen side . / scal stan in ghude . vnde in gantzer velicheit . vor vmb . vnde vor
alle de [*noch*]¹ vnsen willen dūn . vnde laten willen . tuschen hir vnde sunte mertens daghe / de nū
neghest tho komende ist tho eyner be thughenisse desser dingk so / hebbe wy mit vnser aller witscop .
vnse inghezeghele vor dessen bref ghe=/henghet . ghe gheuen vnde screuen na godes bort
drutteynhundert iar an / deme achte vnde sestighesten iare . jn sunte valentines daghe

¹ *noch* erschlossen; Loch im Original